



UNIVERSITÄTS-
BIBLIOTHEK
PADERBORN

**De Ivre Ac Potestate Romanorum Pontificum,
Imperatorum, Regum ac Episcoporum**

Alvarez Guerrero, Alfonso

Coloniae Agrippinae, 1586

VD16 A 2069

Casus & censuræ reseruatę Domino Papæ in processu annuali in cœna
domini. ca. xix.

[urn:nbn:de:hbz:466:1-63477](https://nbn-resolving.org/urn:nbn:de:hbz:466:1-63477)

fiat, vt de vsur. cum tu. xiiii. q. v. c. si quid, & c. multi. & q. vi. c. i. nec in casu, c. non liceat, xii. quæst. ii. videbis infra in tit. de voto. In his verò in quibus mortale peccatum est secundum ius positium, & est Episcopis, siue inferioribus Papæ interdicta dispensatio, nullus dispensare, vel potentiam præstare potest, nisi solus Papa, vel is, cui specialiter commiserit. Si verò non est interdicta, tunc potest, vide etiam quod not. Cardin. in extrauaganti, Bonifacii, viii. rem non nouam, super verbo, priuilegiis, circa medium, vbi dicit, quòd Papa est supra ius, & quòd ipse solus potest æquitatem non scriptam ex sui interpretatione præferre iuri scripto. C. de leg. & consti. l. i. & ipse potest multa facere, quòd non potest inferior, vt hic. nam nullus alter ab eo dat ius in beneficio vacaturo. infra eod. titu. c. ij. libro vi. Et si supra ius dispenseret, hoc debet facere, cum ratio postulat, supra de præben. de multa, in fin. l. distinct. vt constitueretur, in fin. utpote propter urgentem necessitatem, vel euidentem utilitatem ecclesiæ, i. quæst. vii. dispensationes. & duobus cap. sequentibus. & in hoc vlt. concordat beatus Tho. in parte ii. q. lxxxviii. art. x. & xi. art. vlt. de his omnibus vide supra in c. xvi. & considera bene omnia contenta in isto §. quia magni ponderis sunt.

Et Ioan. And. dicit in c. de multa, de præben. quòd ille, cum quo Papa dispensat sine causa, non est securus quoad Deum. Dicit etiam Hostien. in d. c. proposuit, quòd semper in dubio obediendū est Papæ, vbi conscientia non repugnat, xxiii. q. i. quid culpatur. sed si certum sit, quòd illud, quòd præcepit, sit peccatum mortale, tunc recognosce Imperatorem cœlestem, xi. q. iii. Iulianus. & c. qui resistit. & vide Inno. in c. tua, de decimis.

CASVS, ET CENSVRÆ RESER-

uata domino Papæ in processu annuali in cœna

Domini. Cap. XIX.

SUMMARIUM.

Que persone à summo Pontifice excommunicari possunt, & qua de causa.

L 3

Ex



Excommunicantur omnes hæretici, schismatici, & fautores, adherentes, & qui cum eis commercium habent, & qui literas istis hæreticis deferunt, aut arma, vel alia prohibita, aut vinum, oleum, vestes, granum, & huiusmodi. Pirata, & latrunculi marini, & recipientes eos, & dantes eis fauorem, & consilium.

Qui in terris suis noua pedagia imponunt, vel prohibita exigunt.

Et qui imponunt collectas, vel onera ecclesiasticis personis, & qui exigunt tam realia, quam personalia.

Falsarii literarum Apostolicarum, vel supplicationum, per summum Pontificem, vel per Pontificis vicem per cancellarium, vel eorum vices gerentem.

Qui equos, arma, ferrum, lignamina, & alia prohibita deferunt Saracenis, & Turcis, & alijs infidelibus, qui Christianos impugnant.

Impedientes, & inuadentes eos, qui victualia, & alia necessaria ad usum Romanæ ecclesiæ deferunt.

Verberantes, vel capientes, seu impedientes, vel occidentes eos, qui ad sedem Apostolicam vadunt, vel ab ea recedunt, & eos, qui morantur in curia, & dantes auxilium, consilium, vel fauorem, vel mandantes talia fieri.

Item capientes, detinentes, vulnerantes, mutilantes, in carcerantes, interficientes Patriarchas, Archiepiscopos, & Episcopos, eorumque mandatores.

Qui verberant, vel capiunt, seu bonis spoliant eos, & causas suas prolequantur in curia, vel aduocatos, seu procuratores eorum propter huiusmodi prosecutiones causarum.

Qui prohibent, vel statuunt, ne pareatur literis, & mandatis Apostolicis, seu legatorum, & nuntiorum, & iudicium delegatorum domini Papæ, & fauentes.

Qui se subtrahunt ab obedientia domini Papæ, & fautores Romanæ ecclesiæ; & fauentes.

Qui usurpant seu iurisdictionem, seu fructus ecclesiasticos, seu ad ecclesiasticas personas pertinentes, & dantes consilium, vel fauorem.

Quicumque superioritatem habentes prohibent quoquo modo, ne aliquis de vocatione alicuius beneficii certiorum reddat quempiam extra dominium eorum existentem, vel impediunt directe, vel indirecte, ne consequatur provisiones beneficiorum, seu dignitatum sibi auctoritate apostolica concessarum, & dantes consilium, auxilium, vel fauorem, vel non obuiantes, cum possunt.

Verberantes, vel capientes, vel depradantes Romipitas, accedentes, morantes, & recedentes, & dantes consilium, auxilium, & fauorem.

Hostiliter discurrentes per terras ecclesie, invadentes, & occupantes easdem, & dantes consilium, auxilium, vel fauorem.

Nullus absoluit à prædictis casibus, præterquàm in mortis articulo. Et nota, quòd nullus eximitur à pœnis, & censuris superius positis, etiam quacunque præfulgeat dignitate ecclesiastica, vel seculari.

CENSURAE, QVAE RESERVANTVR

domino Papæ in iure, vel extrauagantibus, & ex Concilio Lateranensi. Cap. XX.

SUMMARIUM.

Quæ, & quot sint censuræ domino Papæ reservatæ.



QVAE censuræ reservantur domino Papæ præter supradictas, sunt infra scriptæ, videlicet,

Excommunicati nominati a domino Papæ.

Radentes aliquid, vel emendantes in literis Papæ.

Insecutores hostiliter Cardinalium, vel alicuius clerici, vel religiosi de familia domini Papæ, vel Cardinalium, percutientes, capientes eosdem, & dantes consilium, auxilium, & fauorem, receptatores, & defensores talium, in c. felix, de pœnis, lib. vi.

Percunientes, capientes, vel bannientes Episcopum temere, vel iniuriose, & id fieri mandantes, socij, & dantes consilium, auxilium, vel fauorem.